



asr

IJTIMOIIY-SIYOSIIY GAZETA

Gazeta 2004-yil 1-yanvardan chop etila boshlangan

11-may 2023-yil 19 (1017)

www.21asr.uz

@XXlasr_yangiliklari

XXlasrgazetasi

xxi_asr@mail.ru

asr_xabarлари_news

ЎЗБЕКИСТОН РЕСПУБЛИКАСИ ПРЕЗИДЕНТИ САЙЛОВИ УЧУН САЙЛОВ КАМПАНИЯСИ БОШЛАНИШИ БЕЛГИЛАНДИ



Пойтахтимизда Марказий сайлов комиссиясининг мажлиси бўлиб ўтди. Унда мuddатидан илгари Ўзбекистон Республикаси Президенти сайловига тайёргарлик кўриш ва уни ўтказиш билан боғлиқ ташкилий масалалар кўриб чиқилди.

Хабарингиз бор, Ўзбекистон Республикаси Президентининг 2023 йил 8 майдаги "Мuddатидан илгари Ўзбекистон Республикаси Президенти сайловини тайинлаш тўғрисида"ги фармони билан 2023 йил 9 июль кунин мuddатидан илгари Ўзбекистон Республикаси Президенти сайлови ўтказилиши белгиланди.

Сайлов кодексига Ўзбекистон Республикасининг Конституциявий Қонуни билан киритилган ўзгаришларга мувофиқ Ўзбекистон Республикаси Президенти мuddатидан илгари Ўзбекистон Республикаси Президенти сайловини тайинлаган тақдирда, сайлов Сайлов кодексига тўлиқ мувофиқ ҳолда икки ой ичида ўтказилиши белгиланган. Бунда сайловга тайёргарлик кўриш ҳамда уни ўтказишга доир тадбирларни амалга ошириш мuddатлари Ўзбекистон Республикаси Марказий сайлов комиссияси томонидан белгиланади.

Марказий сайлов комиссияси раиси Зайниддин Низомхўжаев бошқарган мажлисда сайлов кампаниясини эълон қилиш ва сайловга тайёргарлик кўриш ва уни ўтказиш бўйича Календарь режани тасдиқлаш масаласи кўриб чиқилди.

Унга кўра, 2023 йил 9 июль кунин бўлиб ўтадиган Ўзбекистон Республикаси Президенти сайлови учун сайлов кампанияси 10 майдан бошланиши белгиланди.

Сайловни ўтказиш билан боғлиқ қонунчиликда белгиланган тадбирларнинг босқичма-босқич амалга оширилишини таъминлаш муҳим аҳамият касб этади. Шу мақсадда мажлисда сайловга тайёргарлик кўриш ва уни ўтказиш бўйича Календарь режаси тасдиқланди.

Маъмур Календарь режада мантиқий изчиллик асосида қонунчиликка мувофиқ амалга оширилиши лозим бўлган тадбирлар ва уларнинг мuddатлари белгиланди. Хусусан, Календарь режага мувофиқ сайлов жараёнининг 7 та йўналиши бўйича 51 та тадбир назарда тутилди.

Календарь режа сайлов кампаниясини қонун талабларига риоя қилган ҳолда очиқ ва ошқора, тўғри ҳамда самарали ташкил этиш, мавжуд куч ва имкониятларини оқилона тақсимлаш ва сафарбар этишни таъминлайди.

Мажлис якунида кун тартибдаги масала юзасидан Марказий сайлов комиссиясининг тегишли қарори қабул қилинди.

Мўхтарам КОМИЛОВА,
ЎзА мухбири

ХОТИРА – АБАДИЙ, ҚАДР – МУҚАДДАС

ТУРНАЛАР ҲАМ ТИНЧ ЮРТЛАРГА УЧИБ КЕЛАДИ



Иккинчи жаҳон уруши ҳақидаги китобларни ўқиган, фильмларни томоша қилган ёхуд унинг иштирокчилари суҳбатидан баҳраманд бўлган ҳар қандай киши, жангоҳларда қаҳрамонлик, фидойилик кўрсатган одамларнинг барчаси ҳарбий эмас, балки оддий ҳайдовчи, ўқитувчи, қурувчи, чўпон, деҳқон ва бошқа касбларда ишлаб юрган одамлар бўлганига, нафақат юрт, балки бутун дунё бошига келган офат уларни қўлга қурол олишга мажбур қилганига, улар шунча ўт-олов, айрилиқ ва фожиялардан кейин инсоният тинчликни эъзозлашига, асраб-авайлашига, келажак авлодларнинг бахтли ҳаёт кеңиришига ишониб, керак бўлса, жонларини ҳам қурбон қилишганига гувоҳ бўлиши мумкин.

азоб-уқубат, уруш ва очарчилик замонларни кўрган ва бошидан кечирган инсонларнинг айна мустақиллик даврида сизу бизга дуоғуй бўлиб туришгани катта қаҳрамонлик эмасми?! Якунланганга қарийб саксон йил тўлаётган урушдан сўз очсангиз, ҳамон уларнинг киприклари намланади. Улар айтаётган даҳшатли ҳикоялар бугунги авлод учун гўёки эртак. Лекин ана шу болалари жонларини тикиб асраб қолган тинчлик, омонлик туфайлигина ҳозир ўйнаб-қулиб, фаровон яшаш бахтига муяссар бўлган ёшларимиз бу инсонларни ҳар қанча эъзозласа, ардоқласа, олтинга тенг дуоларини ололса, шунча кам дегимиз келди.

9 май – Хотира ва қадрлаш кунин арафасида ана шу 6 нафар қаҳрамонни зиёрат этмоқ учун вилоятнинг олис-яқин гўшаларидан юртдошларимиз этиб келишди. Қолаверса, бу баттол урушдан қайтиш насиб этмаган шаҳид болаларимизни хотирлаш, руҳларини шод этиш учун ҳам турли хайрия маросимлари уюштирилди.

Жиззах шаҳридаги Хотира боғида бўлиб ўтган тадбирда кенг жамоатчилик вакиллари билан бир қаторда партиянинг вилоят кенгаши фаоллари, депутатлар ҳам фаол иштирок этди. Унда уруш иштирокчиларининг қаҳрамонликлари, жасорати фахр билан тилга олинди ва ёш авлодни улар жасоратига муносиб руҳда тарбиялаш зарурлиги таъкидлаб ўтилди.

Мотамсаро она ҳайкали пойига гул қўйиш чоғида, афғон уруши иштирокчиси, халқ депутатлари вилоят кенгаши депутати Фарход Одилов айтган сўзлар бўлиб ўтган тадбирнинг бутун маъно-моҳиятини ўзида аск эттирди, назаримизда.

— Шоир айтганидек, шаҳид кетган болаларимизнинг руҳлари турналарга айланиб, ҳар баҳорда юртимизга учиб келар экан, — деди у. — Турналар эса, биламизки, ҳеч қачон уруш, талотум бўлиб ётган манзилларга яқин йўламайди. Аксинча, фақат тинч, осуда гўшаларга келиб қўнади. Шундай экан, ўтган кунларимиздан сабоқ чиқариш ҳар биримизнинг бурчимиздир.

Баҳром МИРЗАҚОБИЛОВ,
"XXI asr" мухбири

МУДДАТИДАН ИЛГАРИ САЙЛОВ: БУ БОРАДАГИ ХАЛҚАРО ТАЖРИБА ҚАНДАЙ?

Май ойи бошлари ҳақиқатан ҳам Ўзбекистонда тарихий воқеаларга бой бўлди. Бу, биринчи навбатда, янги таҳрирдаги Ўзбекистон Конституцияси бўйича ўтказилган умуммиллий референдум якунларига тааллуқлидир. Аниқроғи, фуқароларнинг 90,2 фоизи уни ёқлаб, 9,35 фоизи унга қарши овоз беришди. Шавкат Мирзиёев қайд этганидек, "Ушбу тарихий танлов орқали халқимиз бундан олти йил олдин бошлаган ислохотларимизга катта ишонч билан қараб, уларни тўла қўллаб-қувватлашини яна бир бор намоён этди" ва Ўзбекистон янада барқарор ривожланиши учун мустақкам замин яратди. Референдум якунлари янгиланган Конституция моҳиятан халқчил ва орзу-интилишлар ифодаси эканини яққол кўрсатди.

Миллий ва хорижий кузатувчилар томонидан эътироф этилган референдум, бизнингча, келажак учун мандат бўлади ва бундан буён Ўзбекистоннинг "инсон – жамият – давлат" деган янги тизим асосида ислохотлар йўлидан ҳеч қачон орта

қайтмаслигининг далилига айланади. Дунё тажрибаси шуни кўрсатдики, Конституцияга ўзгариш ва тузатишлар киритилиши конституциявий ҳуқуқий институтларни сезиларли даражада қайта ташкил этиш ва мамлакат конституциявий тараққиётининг

янги аhdозасининг шаклланишига олиб келади. Дарҳақиқат, янгиланган Конституция ўзига хос концептуал хусусиятга эга бўлиб, у муайян ҳаракатлар дастурини ўзида акс эттирувчи ва шахс призмаси орқали ижтимоий-сиёсий ҳаётни тартибга солувчи, унинг ҳуқуқ ва манфаатларини таъминловчи ва инсон қадрини юксалтирувчи қонун-қоидалар қабул қилишга муҳтождир.

Шу тариқа янгиланган Конституция Президент, парламент ва ҳукумат олдида янги сиёсий, ижтимоий ва иқтисодий вазифаларни қўяди. Янги таҳрирдаги Конституцияга киритилган нормалар Ўзбекистон халқи учун шу қадар муҳими, улар тез ва сўзсиз амалга оширилишини талаб этади.

Давоми 2-саҳифада. ►►



ЎНИНЧИСИНИНГ ҲАМ ЎРНИ БЎЛАК

3.



ҚАРЗНИ ҚИЁМАТГА ҚОЛДИРМАНГ!

5.

ҲАЛИМ БОШҚА, ҲАЛИСА БОШҚАМИ?



6.

